

შპს "ქ. თბილისის ფსიქიკური ჯანმრთელობის ცენტრი"



საწმენდი და საპრიალებელი პროდუქციის შესყიდვის
ერთეულებიანი გამარტივებული ელექტრონული ტენდერის

სატენდერო დოკუმენტაცია

ქ.თბილისი
2015 წელი

სარჩევი

1. ინსტრუქცია ტენდერში მონაწილეობის.....	3
2. ტექნიკური დოკუმენტაცია.....	4
3. სახელმწიფო შესყიდვის შესახებ ხელშეკრულების პროექტი	7
4. დანართი N1, რეკვიზიტები	12
5. დანართი N2, ფასების ცხრილი	13

1. ინსტრუქცია ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ები)ა.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრედენდენტს არა აქვს უფლება წარმოადგინოს ალტერნატიული წინადადება.

2. ტექნიკური დოკუმენტაცია

2.1 შესყიდვის ობიექტის ტექნიკური პარამეტრები:

2.1.1 შესყიდვის ობიექტის საწმენდი და საპრიალებელი პროდუქცია (CPV კოდი 39800000)

#	CPV კოდი	შესყიდვის ობიექტის დასახელება	განზომილების ერთეული	ტექნიკური მახასიათებელი	რაოდენობა
1	39832000	ჭურჭლის სარეცხი სითხე	ცალი	ჭურჭლის სარეცხი საშუალება ჟელე, ლიმონის, ან ვაშლის არომატით, ხარისხიანად რეცხავს ჭურჭელს ცივ წყალშიც. არანაკლებ 250 მლ	600
2	39832100	ჭურჭლის სარეცხი ფხვნილი	ცალი	სარეცხი/სახეხი ფხვნილი ქლორინოლით და სადეზინფექციო თვისებებით, ვარგისია გასქურის, აბაზანის და უნიტაზის ზედაპირისთვის. 100%-იანი დეზინფექცია, ამორებს მიკრობებს. არანაკლებ 400გრ	500
3	39830000	კაფელის საწმენდი	ცალი	უმადლესი ხარისხის, არანაკლებ ერთ ლიტრიან ბალონში, უნდა შეიცავდეს აქტიურ ნივთიერებებს, ჰქონდეს სასიამოვნო, ბუნებრივი არომატი	200
4	39830000	ტუალეტის საწმენდი საშუალება	ცალი	უნიტაზის ჩასარეცხი სითხე. ასუფთავებს, წმენდს ჟანგს და ნადებს. ტოვებს სისუფთავის სურნელს, კლავს 98%-მდე მიკრობებს, უნდა ჰქონდეს გაძლიერებული სამმაგი მოქმედება. არანაკლებ 500 გრ (იხვის ცხვირის ფორმის)	300
5	39800000	ჭურჭლის სარეცხი ღრუბელი	ცალი	მეორე მხარე ხაოიანი	600
6	39800000	სახეხი სინა (ჭურჭლის)	ცალი	სახეხი სინა უჟანგავი, რბილი	300
7	39831000	სარეცხი ფხვნილი (ხელით რეცხვა)	ცალი	ეფექტურად აცლის ლაქებს და ჭუჭყს. არანაკლებ 400 გ	250
8	39831000	სარეცხი ფხვნილი (ავტომატური რეცხვა)	ცალი	სინთეტიკური სარეცხი საშუალება, ამინური სულფატების, ჟანგბადის შემცველი მათეთრებელი აგენტების, ფოსფატების, საპნის, ოპტიკური მათეთრებლის, სუნამოს შემცველობით, თეთრი და ფერადი ქსოვილების ავტომატური სარეცხი მანქანისათვის. არანაკლებ 2,5კგ	250
9	39830000	შუშის საწმენდი სითხე	ცალი	შესასხურებელი, ეფექტურად აცილებს მინაზე წარმოქმნილ ლაქებს. არანაკლებ 500მლ	100
10	39812000	ავეჯის საპრიალებელი დეზოდორანტი	ცალი	ავეჯს უნდა შეუნარჩუნოს ბუნებრივი სახე და მზინვარება, ადვილად უნდა მოაშოროს ჭუჭყი, მტვერი და თითის ანაბეჭდები. არანაკლებ 300მლ	10
11	39831000	ანტიკოროზიული ხსნარი/ფხვნილი	ცალი	ხსნარი სარეცხი საშუალებების კოროზიისაგან დასაცავი, „კალგონი“-ს მსგავსი, არანაკლებ 450გ	60

12	39831250	სარეცხი/სავლები ხსნარები	ცალი	ხსნარი სარეცხი და სავლები დანიშნულების, არანაკლებ 2ლ	30
13	39822000	კაუსტიკური სოდის შემცველი საწმენდი საშუალებები	ცალი	კაუსტიკური სოდის შემცველი ფხვნილი/ხსნარი, არანაკლებ 500მლ	50
14	39831700	საპნის ავტომატური დისპენსერები/დოზატორები	ცალი	კედელზე მისამაგრებელი არანაკლებ 450 გრ.	20

2.1.2 შეთავაზებული საქონელი უნდა იყოს მაღალი ხარისხის და შეესაბამებოდეს მოცემულ სფეროში არსებულ სტანდარტებს და ტექნიკურ ნორმებს, შეფუთული უნდა იქნას შესაბამისი მარკირებით.

2.1.3 შემსყიდველის მოთხოვნის შემთხვევაში მიმწოდებელი ვალდებულია წარმოადგინოს საქონლის წარმოშობის და ხარისხის სერთიფიკატი.

2.2 მიწოდების პირობები და ვადები:

2.2.1 მიწოდება უნდა განხორციელდეს ეტაპობრივად, შემსყიდველის მოთხოვნიდან 2 (ორი) დღის ვადაში ტექნიკურ დავალებაში მითითებული პირობებით 2016 წლის 01 იანვრიდან 31 დეკემბრის ჩათვლით.

2.2.2 შესყიდვის ობიექტის დანიშნულების ადგილამდე მიტანას უზრუნველყოფს მიმწოდებელი საკუთარი ხარჯებით მისამართზე: ქ.თბილისი, იპოლიტოვ-ივანოვის ქ. #43, შპს „ქალაქ თბილისის ფსიქიკური ჯანმრთელობის ცენტრი“-ს საწყობი.

2.2.3 საქონლის მიწოდებისას მიმწოდებელი ვალდებულია წარმოადგინოს შესაბამისი დოკუმენტაცია.

2.3 სატენდერო წინადადების ფასი:

2.3.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.3.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

2.4 ანგარიშსწორების პირობები:

2.4.1 ანგარიშსწორება მოხდება უნაღდო ანგარიშსწორებით ლარში შპს „ქ.თბილისის ფსიქიკური ჯანმრთელობის ცენტრი“-ს 2016 წლის ბიუჯეტის სახსრებით.

2.4.2 ანგარიშსწორება მოხდება საქონლის მიწოდებისა და აღნიშნულის თაობაზე მიღება-ჩაბარების აქტის გაფორმებიდან 30 (ოცდაათი) კალენდარული დღის განმავლობაში.

2.4.3 საავანსო ანგარიშსწორება არ გამოიყენება.

2.5 პრეტენდენტის მიერ ერთიან ელექტრონულ სისტემაში ასატვირთი მონაცემები:

2.5.1 რეკვიზიტები, დანართი #1-ის მიხედვით.

2.5.2 ფასების ცხრილი დანართი #2-ის მიხედვით.

საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტს არ მოეთხოვება.

2.6 დამატებითი ინფორმაცია

2.6.1 იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

2.6.2 შემსყიდველი ორგანიზაცია იტოვებს უფლებას საჭიროების შემთხვევაში მიწოდებულ საქონელს ჩაუტაროს ექსპერტიზა, ტექნიკურ პირობებთან შესაბამისობის დადგენის მიზნით.

2.6.3 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში შპს „ქ. თბილისის ფსიქიკური ჯანმრთელობის ცენტრი“ მისამართი: იპოლიტოვ-ივანოვის ქ. #43, საკონტაქტო პირი: დალი ნათენაძე, ტელ: +9950 (32) 2620175.

3.სახელმწიფო შესყიდვის შესახებ ხელშეკრულების პროექტი ხელშეკრულება სახელმწიფო შესყიდვების შესახებ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება

წინამდებარე ხელშეკრულება დაიდო „-----“ „-----“ 2015 წ. ქ.თბილისი

ერთის მხრივ შპს „ქალაქ თბილისის ფსიქიკური ჯანმრთელობის ცენტრი“ (შემდგომში „შემსყიდველი“) წარმოდგენილის მისი დირექტორის ბიძინა მგალობლიშვილის სახით და მეორეს მხრივ, ----- (შემდგომში „მიმწოდებელი“) წარმოდგენილი მისი დირექტორის -----სახით, „სახელმწიფო შესყიდვების შესახებ“ საქართველოს კანონის და პრეტენდენტის (მისი დასახელება) სატენდერო წინადადების საფუძველზე. შემსყიდველმა ჩაატარა გამარჯვებული ელექტრონული ტენდერი

(შესყიდვის ობიექტის მოკლე აღწერა)

(ხელშეკრულებით გათვალისწინებული საქონლის ზუსტი აღწერა მოცემულია ტექნიკურ პირობებში, რომელიც წარმოადგენს ხელშეკრულების განუყოფელ ნაწილს). შესყიდვაზე, რომელშიც გამარჯვებულად მიჩნეული იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი შემდეგ თანხაზე:

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში «ხელშეკრულების ღირებულება»)

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის შემსყიდველს საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

2.1. ხელშეკრულების საგანია „შემსყიდველის“ მიერ „მიმწოდებლისაგან“ საწმენდი და საპრიალებელი პროდუქცია (CPV კოდი 39800000) (შემდგომში „შესყიდვის ობიექტი“) შესყიდვა, გამარჯვებული ელექტრონული ტენდერის საშუალებით, წინამდებარე ხელშეკრულებით გათვალისწინებული პირობების შესაბამისად.

2.2. შესყიდვის ობიექტის ერთეულის ფასები და ტექნიკური მახასიათებლები მოცემულია ფასების ცხრილში, რომელიც თან ახლავს ხელშეკრულებას და მის განუყოფელ ნაწილს წარმოადგენს (იხ.დანართი).

3. ხელშეკრულების ღირებულება

3.1. შესყიდვის ობიექტის საერთო ღირებულება (საქართველოს კანონმდებლობით დადგენილი ყველა გადასახადის, ტრანსპორტირების და სხვა ხარჯების გათვალისწინებით) შეადგენს _____ (_____) ლარს.

4. სტანდარტები

4.1. შეთავაზებული საქონელი უნდა იყოს მაღალი ხარისხის და შეესაბამებოდეს არსებულ სტანდარტებს და ტექნიკურ ნორმებს.

5. ხელშეკრულების შესრულების კონტროლი

5.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

5.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

5.3. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი.

5.4. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა.

5.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს შპს „ქალაქ თბილისის ფსიქიკური ჯანმრთელობის ცენტრი“-ს დირექტორის ბრძანების საფუძველზე შექმნილი კომისია.

6. საქონლის მიწოდების პირობები

6.1. მიწოდება უნდა განხორციელდეს ეტაპობრივად, შემსყიდველის მოთხოვნიდან 2 დღის ვადაში ტექნიკურ დავალებაში მითითებული პირობებით 2016 წლის 01 იანვრიდან 31 დეკემბრის ჩათვლით.

6.2. შესყიდვის ობიექტის დანიშნულების ადგილამდე მიტანას უზრუნველყოფს მიმწოდებელი საკუთარი ხარჯებით მისამართზე: ქ.თბილისი, იპოლიტოვ-ივანოვის ქ. #43, შპს „ქალაქ თბილისის ფსიქიკური ჯანმრთელობის ცენტრი“-ს საწყობი.

6.3. საქონლის მიწოდებისას მიმწოდებელი ვალდებულია წარმოადგინოს შესაბამისი დოკუმენტაცია.

7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით. შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს ხელშეკრულების 5.5 პუნქტში მითითებული პირები.

7.2. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

8. ანგარიშსწორების წესი

8.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

8.2. ანგარიშსწორების მოხდება (მხარეთა შეთანხმებით) ეტაპობრივად მიღება-ჩაბარების აქტ(ებ)ისა და შესაბამისი დოკუმენტაციის (საგადასახადო ანგარიშ-ფაქტურა, სასაქაონლო ზედნადები და ა.შ.) წარდგენიდან 30 (ოცდაათი) კალენდარული დღის ვადაში.

8.3. საავანსო ანგარიშსწორება არ გამოიყენება.

9. ფასი

9.1. მიმწოდებლის მიერ დაფიქსირებული საქონლის ფასი წარმოადგენს ხელშეკრულების ღირებულებით პარამეტრებს.

9.2. ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

9.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

9.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

10.2. თუ რაიმე წინასწარ გაუთვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.4. ხელშეკრულების პირობების ნებისმიერი ცვლილება უნა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. მხარეთა პასუხისმგებლობა

11.1. ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0,5%-ის ოდენობით. ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0,5%-ს.

11.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.

11.3. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულების შეწყვეტა მისი პირობების შეუსრულებლობის გამო

12.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება:

ა) თუ მიმწოდებელს ხელშეკრულებით გათვალისწინებულ ვადებში არ შეუძლია მიაწოდოს მთელი საქონელი ან მისი ნაწილი;

- ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული სხვა რომელიმე ვალდებულება დაკავშირებული საქონლის ხარისხთან, რაოდენობასთან და ა.შ.
- გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) მიმწოდებლის გაკოტრების შემთხვევაში;
- ე) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
- ვ) საქართველოს კანონმდებლობით გათვალისწინებულ სხვა შემთხვევებში.

13. ფორს-მაჟორი

- 13.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გათვალისწინებული ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.
- 13.4. ფორს-მაჟორული გარემოებების 30 დღით გაგრძელების შემთხვევაში მხარეებს უფლება აქვთ შეწყვიტონ ხელშეკრულება.

14. ხელშეკრულების ენა

ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადაწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

15. სადაო საკითხების გადაწყვეტა

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

16. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

17. სუბკონტრაქტორები

17.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადებარე ხელშეკრულების დამატების სახით.

18.2. ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

17.2. ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

18. შეტყობინების განხორციელება

18.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

18.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღიდან რომელი უფრო გვიან დადგება.

19. გადასახადები და დაბეგვრა

19.1. უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

19.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

20. ხელშეკრულების მოქმედების ვადა

წინამდებარე ხელშეკრულება ძალაშია ხელმოწერის დღიდან და მოქმედებს 2017 წლის 31 იანვრის ჩათვლით.

21. დამატებითი პირობები

21.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

21.2. გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

21.3. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

შემსყიდველი:

მიმწოდებელი:

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი (თანამდებობა):

პრეტენდენტის იურიდიული მისამართი:

პრეტენდენტის ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

პრეტენდენტის ხელმოწერა _____

ბ.ა.

ფასების ცხრილი

პრეტენდენტის დასახელება _____

#	საქონლის დასახელება	საქონლის ძირითადი მახასიათებელი, მწარმოებელი ქვეყნის და მწარმოებლის მითითებით	განზომილუ ბის ერთეული	რაოდენობა	ერთეულის ფასი	საერთო ღირებულება	მიწოდების ვადა და ადგილი
1	2	3	4	5	6	7	8
1							
2							
3							
4							
5							
6							
7							
8							
9							
10							
11							
12							
13							
14							

პრეტენდენტის ხელმოწერა (ბეჭედი) _____